

NUMMERE 99

36. JOORGANG



Wiehlmuis

d Glyggezittig vo de Wiehlmys



#Wiehlmys #aiVerain #aiFamilie #Bummel2018



Wiehlmuus

d Glyggeztyttig vo de Wiehlmys

Stammverein 1957		Jungi Garde und Buschinäsch		Alti Garde	
Dr Obmaa maint...	2	Fasnachtsbändeli 2018	7	Niggi Näggi Essen	12
Bummel 2018	3	Fasnacht 2018	8 + 9	Neujahrsapéro	12
Oschter-Hogg	4	Bummel 2018	10	Fasnacht 2018	13 + 14
Gäll du kennsch mi nid?	5	Termin 2018 / 2019	11	Dangge	14
		Mir gratuliere	11	Bummelsunntig	15
				Vorstand 2018 / 2019	16
				Dangge und Sali zämme	17
				Aktivitäten und Dank	18
				Nachwuchs für die JG	19

Liebi Läserinne und Läser,


viel bi dr Fasnachtsgesellschaft Wiehlmys isch im Wandel, so au d Wiehlmuus. Neyis Layout, neyis Format und neyi Redaggtorin.

Em Patric Burkhardt möchti dangge für sy langjöörige Ysatz als Redaggtor, wie alli sini Ämtli het är d Wiehlmuus mit viel Härzbluet zämmegstellt und glaitet.

Gärn nimmi euch jetzt mit in die digitali Wält, sälbsterständlig für alli „nid-online-Myys“ no immer in dr Druggvariante.

Neyi söll also d Wiehlmuus digital versändet wärde respeggtive uf unserer Websyte zem Download parat stoh.

Inhält wärde immer no durch d Mitglieder us de verschiedene Sektione bereitgestellt. Au do könne mir immer wieder e Schryybere oder e Schryyber bruche! Wenn s di also kutzelet, denn schigg mir doch e baar Zyyle zem Gliggeläbe.



Ich wünsch eych allne e Huffe Spass bim Läuse vo der neuschte Wiehlmuus.

E liebe Gruess Nathalie





Dr Obmaa maint...

Sit mym letschte Bricht, het nit numme s Johr gwäggslet, sondern es isch au e Huffe Anders bassiert. Wie dir bim lääse vo däne Zyyle meergget, d Foorm vo "dr Wiehlmuus" byschpylswyys au. Mir hän ys uss Keschtegrind entschlosse, d Glyggeninfoos zuekinftig eleggtroonisch z verschigge. Ych mecht an däre Stell, em langjehrige Redaggtter Pat Burkhardt, nomol fiir sy glaischteti Aarbet häärzlig dangge. Dr neye Verantwortlige, Nathalie Schoeb, winsch ych vvyll Spass bim gstate vo däm "Newsletter" und groossi Unetrstizig (in Foorm vo vvyll Bricht und Fotene vo divääre Aales) uss dr ganze Glygge.

E tolli Fasnacht 2018 isch au scho wider Gschicht. Im Ruggblig het my bsunders gfrait, wie sich unseri glaini/jungi JG im Fasnachtstrubel gmaischeret het. Am Määntignomidaag no mit Unterstizig uss em Stamm, am Mttwuchnomidagg denn schon ellai - Bravo. Au gfallt het mir s gmainsame Nachtässe mit dr AG am Mittwuchzoobe im Klyybeggcasyyno. S Ässe isch um Wälte besser gsii, als voor emene Johr uff em Schiff und mit Hunger het au niemerts miesse s Lokaal verloo. Imponiert het mir aber au, wie guet sich d Corinne und d Anuschka in "d Drummelgrubbe" intergriert hän. Sy hän nit numme "mitbeberlet", sondern sin en ächti Versteerggig gsii. iiberhaupt het dr ganzi

Stamm musikaalisch voorwäärts gmacht und das isch (au am Stroosserand) mehrfach feschtgstell woorde. Prima – wyter so!

Noon emene glatte Bummel (merci fiirs organisiere Martin) und dr Aggttyvesitzig aafangs Meerz, het den d Friehligspause aafange. Das haisst, dr Thomas het non e gmietlige Ooschterhogg (oder haisssts högg ☺) organisiert und nomol fiir e gmietlig/glatten Oobe gsoort. Au dooderfiir Danggerscheen.

Mittlerwyyle hän aber bereits d Yebigsstunde wider aafange und bis zur GV gohts au nimm eso lang. Fiir d Zuekunft isch Veschiidenes plaant. Näbscht de alljehrlig stattfindende Aales, finde Ussfliig, Grillpläusch und villicht au die aint oder ander iiberaschig statt. Ych hoff uff e groossi Betailigung und Mithilf bi dr Organisazioon und au, ass mir die (wichtig!) gsellige Syte vo uns Wiehlmys drmit dien aakuurble.

Zum Schluss winsch ych alle Wiehlmys e scheene Summer und hoff, ass mir dä Uffwäärtstrend kenne wyter ussbaue. Dooderzue bruuchts gar nit eso vvyll. Zur rächte Zyt/Gläähait verzelle wie glatts bi uns isch und e baarmol noochfrooge, ka mänggmol länge. ☺

Leu / 21.Mai 2018





Bummel 2018: E Überraschig sondergliche!

Rosshoffgass. ns. Voller Spannig hän mir uns am 2. Bummelsunntig bim PastaCafé troffe. Nachere Stärggig mit Kaffi und Gipfeli sin mir denn au scho in Gruppe ufe Poschtelauf los gschiggt worde. dPöschte sin in dr Innestadt verteilt worde. Meh oder weniger hän alli die gliche Pöschte gfunde ☺. Mini isch grad losdäppelet: Spaletor, Märtpfatz, Rothuus, Münschterpfatz, Schifffländi, Käppelijoch, Barfi und wieder retour zur Lyss. Es isch e schöne Spaziergang gse, gspiggt vo Spannig, Kreativität und krönt mitme feine Apéro bim Pasta Café.



Denn hän mir gwartet und gwartet und gwartet, bis die letschti Gruppe au dr Rüggwäg gfunde het! In dare Zyt sin mir miteme wundervolle Apéro verwöhnt worde. E glains Detail, wo nid alli Teilnehmende für als wichtig ghalte hän (oder vielleicht wägem Schnuure nid gehört hän? ☺): "evtl. muess me au neume nachm Poschte froge". Schlussändlig häns alli gschafft und sin gsund und "Apéro-hungrig" zugg gse. Mini Gruppe het alles gä, leider aber dr Märtpfatzposchte usgloh und isch dirägt zum



Rothuus. Somit hän mir dort bitz Pünggt ligge loh, aber e dr Plausch hän mir ka!

Freudig isch dr Bummel im Reschtaurant zur Harmonie e feins z'Mittagässe biko hän. Sogar dr Dessert het me dörfe wähle! Mhhmm! Wahnsinn gseh ☺



Nach traditioneller Obmaa-Red, Blaggedde-Verkauf-Rangverkündigung und eme eimolige Stamm-Selfie (s. Titelbild ☺) ischs den ab uf dGass. dMys sin durch alli Gasse gross und glai marschiert. Au in däm Joor hets kurz vor em Defilee durch dFreie Strooss hets sälbstverständlig no bitz Stau gä am Steinebärg. Alles het guet klappt und mir sin denne nomol go gässle. Punggt 10i hets Abträtte bim Latinis gä. S'Wätter het ghebt, mir hän nid gfrore, Schrittagessoll isch meh als übertroffe, obligati belegti Brötli hets gä, mir hän e Poschtelaufgwünner, dr Sämi het none Stimm ka am Änds vom Obe, was wänn mir no meh?

Dangge vielmol für dä glungeni Bummel, mir häns sehr gnosse!



Oschter-Hogg oder einfach e gesellige Obe



Restaurant Klybeck Casino. ns. Hopp hopp hopp, hoppedihop. Dr Thomas Peter het zum 1. Oschter-Hogg iglade. Richtig fyrrlich mit Bibbeli, Eili, Oschternäschkli, einfach total liebevoll und toll. Soga res Oschter-Quiz hets gä. Die rund 10 Teilnehmende hän sich in ihrem Wüsse rund um dOschtere teschtet. Sisich mir grad sobligate Bummelquiz vo dr Junge Garde in Sinn ko ☺

Mir hän sehr viel glache, fein gässe und viel gschläggt. So wies sichs für Oschtere ghört! Dangge vielmol für dä glungeni Obe und dangge allne Mys für die nätti Gsellschaft ☺ I wurd sage: "to be continued in 2019..."



2. Platz



1. Platz



3. Platz



Gäll du kennsch mi nid?

Ufgrund vo mine Recherche fürs neue Layout vo dr Wiehlmuus, bini im Archiv vo mim Babbe, em Roger Gugger, uf e paar Fotene vo Junge Wiehlmys gstoosse, wo in dr Zwüschezyt jetzt scho Mitglieder im Stammverein sin. Die Bilder sin witzig, so dass dRubrigg „gäll du kennsch mi nid?“ sofort entschtande isch.

Ich wünsch euch viel Spass bim Schneugge und usefinde, wär das ächtsch isch ☺





Vereinsabzeichen und
-signete, Siegerpreise,
Cliquenbecher,
Ehregaben, etc.
Kristall Weinkaraffen,
Spezialanfertigungen
Nach Ihren Wünschen.
Keramik-Fasnachtsfiguren
Rasche Lieferung,
Reelle Preise,
eigenes Atelier.

Reimann Graveure


Clarastrasse 25
Tel. 061 691 00 60
Fax: 061 691 74 18
Reimanngravuren@bluewin.ch

Das Fachgeschäft für Zinn und Gravuren



Th. Peter & P. Righini, Vergnügungsbetriebe, Bachweg 11, 4852 Rothrist

Präsentieren die Attraktionen



Round - Up



Magic Cubes

Und Neu ab 2010 !



Wir Organisieren auch für Ihr Fest den Luna-Park

Tel. 079 241 02 82 oder mail thomas1.peter@bluewin.ch

www.schausteller-ch.ch



Fasnachtsbändeli 2018

Mir hän wieder e super tolli Zit im Theater Arlecchino verbrocht. Zäme mit de Schauspieler und de Gipfelstürmer sin mr an Bord vo dr MS Arlecchino iicheckt. Mitem Guggermärschli, eme glungene Kazoo-Ufftritt und au singend hän mr d Zueschauer wie jedes Joahr begeisteret. Dr Peter Keller het uns bereits jetzt scho buecht fürs 2019☺



Briedere Buess mit unsere Junge



Hübschi Dame parat füre Captain's dinner




Und ab uf d' MS Arlecchino, jipi Ferie!



Fasnacht 2018

Mir sin bedroht! Chiroptera!
 Mir hän an dr Fasnacht s Sujet vo de bedrohte
 Flädermys ka. Dr Verein pro Chiroptera het
 das mitbeko und sich sehr drüber gfreut. Sie
 hän ys ane Filmobe iglade und de Junge
 diversi Bhaltis überreicht.

Unser lebändigs Requisit, nämlich d
 Flädermuus-Uffzuchtstation het au dr gewollt
 "Jö-Effäkt" ka.



die wunderschöni Lampe 2018



Fasnacht 2018



Unsri Junge an der Fasnacht 2018



Es isch ganz e tolli Fasnacht gseh mitere tolle Stimmig. Und mir Junge möchte uns grad do no bim Stamm bedange, dass ihr uns uff dr letschte Rundi begleitet händ. Au d Unterstützig bi dr Latärneverabschidig hän mir ganz e tolli Geschte gfunde! E grosses Dangschön an Stamm!



Impressionen vom Bummel 2018



Good feeling

Wahlbefinden für Körper und Geist

Sonja Moor
dipl. Massöuerin

Kosmetische Fusspflege / Permanent French Pedicure
Klassische Massage
Fussreflexzonenmassage
Müllheimerstrasse 73 • 4057 Basel • 079 542 95 31



Termin Jungi Garde und Buschinäsch 2018 / 2019

2018	Anlass
Sa 16./ So 17. Juni 2018	Clique-Grimpeli 2018 auf der Schützenmatte
Di. 26. Juni	Glacé-Essen (E)
30. Juni–11. August 2018	Sommerferien
Di. 14. August	1. Übungsstunde nach den Sommerferien
So. 26. August	Gartenfest und Sujetsitzung (E)
Im September	Herbstbummel (E)
29. September–13. Oktober 2018	Herbstferien
Di. 06. November	Mässbummel (E)
So. 09. Dezember	Adväntshogg, Quartierzentrum Brückenkopf in Kleinhüningen. (E)

2019	Anlass
Sa. 05. Januar	Plakettenausgabe (E)
Januar/Februar	Fanchtsbändeli (E)
Di. 12. Februar	1. Marschübung (E)
Mi. 27. Februar	Fasnachtssitzung (E)
Mo. 11.-13. März	Basler Fasnacht (E)
So. 31. März	Fasnachts-Bummel (E)

(E) = Einladung folgt

Mir gratuliere

Wir gratulieren Marion und Michel ganz herzlich zu ihrem Nachwuchs.
Ihr Sohn Ulysse ist am 25. März 2018 zur Welt gekommen.
Alles Gute wünscht Euch die Junge Garde.





Niggi-Näggi-Essen

Die "Maitressen" der Deecht, Marianne und Ruth organisierten am Freitag, 1. Dezember 2017, für WAG und den Deecht im "Burgers" Bohrerhof in Allschwil, unser Niggi-Näggi-Essen. In dem schönen, weihnachtlichen dekorierten Restaurant, gab es für uns ein 5 Gang Menue. Ruth und Marianne vielen Dank. Der Bohrerhof erhält vom Schreiber 5 von 6 möglichen "Golden Mouse", von der WAG, für das ausgezeichnete "Niggi-Näggi-Essen" Dieses Restaurant kann ich nur weiterempfehlen. Hervorzuheben ist auch der gut gefüllte Niggi-Näggi-Sack, mit dem mit dem Tannenbaum von Marianne gehäkelt.

Neujahrsapéro

Dienstag, den 2. Januar 2018, war der traditionelle Neujahrsapéro, der Wiehlmys Alte Garde und den Deecht. Eingeladen waren bei uns unsere auch wie gewohnt unsere Passivmitglieder, die auch zahlreich erschienen sind. Vielen Dank fürs kommen. Mit viel flüssigen Saft von Reben und Hopfen wurde auf das 2018 angestossen. Die kalten Platten wurden mit Genuss einverleibt.

Dem Vorstand und dem "Baizer", von unserem Stammrestaurant, dr "Güggel"(auch Hahn genannt) vielen Dank.

musik oesch basel
DAS FACHGESCHÄFT FÜR BLASINSTRUMENTE

Spalenvorstadt 27 • 4051 Basel • 061 261 82 03



Fasnacht 2018

Sujet 2018 **Comité** **D Boscht goot ab**

Wiehlmys Alti Garde

Frisst dr kynneesch
Drach

langsam d Schwyzer

Wirtschaft uff?



2018: Nach der GV, ist bekanntlich, vor der GV 2019: Herbstbummel, Jassturnier, Sujetfindung, Niggi-Näggi, Weihnachtsessen und der Neujahrsapéro, sind die Aktivitäten vor der Fasnacht.

Konkret begann die Fasnacht 2018 mit einer Marschübung in der Langen Erle, und dem anschliessenden Brunch im RCB, organisiert von den Deecht.

Die 1 zu 1 Marschübung war wiederum in Lörrach, verbunden mit einem Nachtessen im Restaurant "Am Burghof". Ein Ausflug nach Lörrach, in dieses Restaurant, mit einem Essen verbunden, ist sehr zu empfehlen. Es lohnt sich in jedem Fall. E Guete.

Das "Yypfyffe", war auch dieses Jahr, wieder im Klybeck Casino.

4 Uhr Montagmorgen, "Morgestraich" und schon war wieder der Ändstraich am Donnerstagmorgen um 4 Uhr Dazwischen lagen 72 Stunden, wo "d Boscht", abging. So schnell geht eine schöne Zeit, im Zeitraffer, vorbei. Morgenessen im Restaurant "Centro" am "Barfi". Die Nachtessen, jeweils im Klybeck Casino.

Wetterbericht

Morgestraich

Am Montagmorgen, um 02.00h, sagte uns Radio Basilisk folgendes Voraus: Minus 02° bis plus 5°. Kein Regen. Oh wie schön.

Ganzer Tag trocken, aber bewölkt. Um 20.30h war noch immerhin plus 5°.

Dienstag

Wie am Montag.

Mittwoch

Um 13.00h, sonnig, 4° bis am Abend. Am Ändstraich, waren es doch noch, plus 2°.



Fasnacht 2018

Vorträbler



Dambuure



Majore



Pfyffer



Dangge

Den verschiedenen Gönnern und Organisatoren für die Fasnacht 2018 gilt unseren Dank.

Elke	Apéro vom "Yypfyffe"
Sophie	Fastewaje am Montag
Deecht	Brunch Marschübung
Hanspeter	Lörracherfasnacht
Sujetkommission	Kostüm/Larve
Ruedi	Laternenbauer
Moni und Lisa	Fasnachtsbummel
Roger Magne	Latärnemooler
Hans Hunziker	Zeedeldichter

Sowie allen, mir unbekanntem. stillen Helfer/innen





Vorstand 2018 / 2019

Der Vorstand wurde an der GV
vom 24. April 2018 wie folgt gewählt:



Oobmaa	Ruedi Kurt
Vize - Oobfrau	Rita Räuchle
Seggelmaischter	Dieter Martin
Schryybere	Rita Räuchle
Dambuurmajor	Ruedi Kurt
Vortrabchefin	Béa Seiler
Aggtiv-Byysitzer	Hanspeter Maier
Revisorin	Lisa Oppliger

Aqua - Maler GmbH

Maler - und Tapeziererarbeiten
Blotzheimerstrasse 19a, 4055 Basel
Tel. 079 340 04 51

Thomas Hügin

malen tapezieren sanieren renovieren



Dangge und Sali zämme

Liebi Deecht

Zu eurem Jubiläum in diesem Jahr,
"25 Joor" Deecht Alti Garde:
Herzlichen Glückwunsch.

7 Jahre ging es mit uns: 2011 - 2018. Es war eine tolle und schöne Zeit.

Danke auch, dass ihr im 2011, als wir kurz vor dem "Aus" waren, uns beigestanden habt und mit uns zusammen im 2012, die Fasnacht zelebrierten.

In den vergangenen Jahren wurden wir eine grosse "Clique". Auch dieses Jahr wieder mit fast 40 Aktiven.

Diverse verschiedene Anlässe, durch die Deecht organisiert, waren bemerkenswert. In guter Erinnerung bleibt mir (dr Schryyber), der Wild West Abend, im Keller vom Stamm der Deecht. Ich durfte dort als "US Marshall Wyatt Earp" für Ordnung und Disziplin sorgen, damit der Abend ruhig und gesittet verlief. Im "Kuhstall", der Saloon war ganz toll dekoriert, wir lernten auch das amerikanische Tanzen der Cowboys, durch eine Tanzlehrerin.

Auch euer Geburtstagsständeli, bei der "Schiffländi", an der Fasnacht 2014, zu unserem 25 jährigen, bleibt unvergessen (Siehe Ausgabe Juni 2014).




Das "Lied": Alles hat ein Ende, gilt auch für mich. Auch die Zahl sieben hat für mich eine Bedeutung:

7 Jahre mit 21 Ausgaben, die ich als Schreiber für die Seiten der Glyggeztyig, Wiehlmuus Alte Garde, betreuen durfte.

7 schnelle Jahre. Sie bleiben in guter Erinnerung

Vielen Dank fürs lesen und für die vielen positiven Rückmeldungen. **Allzeit immer "e scheeni Fasnacht"**





Aktivitäten und Dank an Passivmitglieder

Vorgesehene Anlässe bis Dezember 2018

Juli	Sommerplausch
	Tattoo Street-Besuch
August	Grillabend mit Stamm
September	Herbstbummel
Oktober	Jassturnier
November	Mässbummel
Dezember	Niggi-Näggi/Weihnachtsessen

Sonntag, 9. Dezember
Anlass der Jungen Garde
von 14.00 bis ca. 18.30h
mit Beteiligung der Alten Garde

Über die Durchführungen und Daten, wird der Vorstand, frühzeitig informieren.

Vielen herzlichen Dank
an unsere
Passivmitglieder
für Ihre Unterstützung



Es würde uns sehr freuen, wenn wir Sie auch in diesem Jahr als Passivmitglied, wiederum begrüssen dürfen.

Nachwuchs für die JG von der AG

Dieses süsse" Engelchen", getauft auf den Namen Alessia, erblickte das Licht der Erde am 29.03.2018 um 07.12h. Wir wünschen der neuen Erdbürgerin von Herzen alles Gute. Der Mama Elke und dem Papa Fabio, viel Freude und Spass an ihren "Sprössling", auf dem Weg in die Zukunft.

Wiehlmys Alti Garde



Redaktion: Nathalie Schöb (gugger.schoeb@hotmail.com)
Freie Journalisten: Leu Bachmann, Andrea Schweizer, Benno Schwab, Nathalie Schöb
Fotos: Diverse
Nächster Redaktionsschluss: 18. November 2018